

诗义标准

詩義標準二十八

兄弟三

倡和

長沙 王錫光 譔集

酬舍弟庠罷舉從州辟書

唐 竇 牟

之荆且願依劉表折桂終慙見郗詵舍弟未應絲作鬢園公不用印隨身

林園卽事寄舍弟統

次荆州時作

唐 王 維

寓目一蕭散銷憂冀俄頃青草肅澄陂白雲移翠嶺後浦通河渭前山包鄆郢松含風裏聲花對池中影地多齊后瘠一作人帶荆州瘿徒思赤筆書詎有丹砂井心悲常欲絕髮亂不能整清簾日何長閑門晝方靜頽思茅簷下彌傷好風景

送鄧王二十弟從益牧宣城

後主自爲詩序以送之其略云秋山滴翠暮壑澄空愛公

此行暢
乎遐覽

南唐
李煜

且維輕舸更遲遲別酒重傾惜解攜浩浪侵愁光蕩漾亂山凝
恨色高低君馳檣楫情何極我凭闌干日向西咫尺煙江幾多
地不須懷抱重淒淒

和子由澠池懷舊

宋
蘇軾

人生到處知何似應似飛鴻踏雪泥泥上偶然畱指爪鴻飛那
復計東西老僧已死成新塔壞壁無由見舊題往日崎嶇還記
否路長人困蹇驢嘶

次韻子由除日見寄

蘇軾

薄宦驅我西遠別不容惜方愁後會遠未暇憂歲夕強歡雖有
酒冷酌不成席秦烹惟羊羹隴饌有熊腊念爲兒童歲屈指已

成昔往事今何追。忽若箭已釋。感時嗟事變。所得不償失。府卒來驅讎。矍鑠驚遠客。愁來豈有魔。煩汝爲攘磔。寒梅與凍杏。嫩萼初似麥。攀條爲惆悵。玉蕊何時折。不憂春豔晚。行見棄夏馥。人生行樂耳。安用聲名藉。胡爲獨多感。不見膏自炙。詩來苦相寬。子意遠可射。依依見其面。疑子在咫尺。兄今雖小官。幸忝佐方伯。北池近所鑿。中有汧水碧。臨池飲美酒。尙可消永日。但恐詩力弱。鬪健未免馘。詩成十日到。誰謂千里隔。一月寄一篇。憂愁何足擲。

重遊終南子由以詩見寄次韻

蘇軾

去年新柳報春回。今日殘花覆綠苔。溪上有堂還獨宿。誰人無事肯重來。古琴彈罷風吹座。山閣醒時月照杯。懶不作詩君錯

料舊逋應許過時陪

和子由聞子瞻將如終南太平宮谿堂讀書

蘇軾

役名則已勤殉身則已媮我誠愚且拙身名兩無謀始者學書
判近亦知問囚但知今當爲敢問向所由土方其未得惟以不
得憂旣得又憂失此心浩難收譬如倦行客中路逢清流塵埃
雖未脫暫憩得一漱我欲走南澗春禽始嚶呦鞅掌久不決爾
來已徂秋橋山日月迫府縣煩差抽王事誰敢愬民勞吏宜羞
中間罹旱暵欲學喚雨鳩千夫挽一木十步八九休渭水涸無
泥蓄堰旋插修對之食不飽餘事更遑求近日秋雨足公餘試
新筍劬勞幸已過朽鈍不任鏹秋風迫吹帽西阜可縱游聊爲

一日樂慰此百年愁

次韻子由初到陳州二首

蘇軾

道喪雖云久吾猶及老成如今各衰晚那更治刑名懶惰便樗散疏狂託聖明阿奴須碌碌門戶要全生

舊隱三年別杉松好在不我今尙眷眷此意恐悠悠閉戶時尋夢無人可說愁還來送別處雙淚寄南州

和子由柳湖久涸忽有水開元寺山茶舊無花今歲盛開

二首

蘇軾

太昊祠東鍊墓西一尊曾與子同攜回瞻郡閣遙飛檻北望檣竿半隱隄飯豆羹藜思兩鶴飲河噉水賴長霓

先惠曰二句如和柳湖有水如

今勝事無人共花下壺盧鳥勸提

長明燈下石欄干長共松杉守歲寒葉厚有稜犀甲健花深少

態鶴頭丹

先惠曰四句和開元寺山茶

人陪方丈曼陀雨羞對先生首藉盤

先惠曰謂子由為陳州學官

雪裏盛開知有意明年開後更誰看

戲子由

蘇軾

宛邱先生長如邱宛邱學舍小如舟常時低頭誦經史忽然欠伸屋打頭斜風吹帷雨注面先生不愧傍人羞任從飽死笑方朔肯為雨立求秦優眼前勃蹊何足道處置六鑿須天游讀書萬卷不讀律致君堯舜知無術勸農冠蓋開如雲送老鰲鹽甘似蜜門前萬事不挂眼頭雖長低氣不屈餘杭別駕無功勞畫堂五丈容旂旄重樓跨空雨聲遠屋多人少風騷騷先惠曰語皆與上反對平生所慚今不恥坐對疲氓更鞭箠道逢陽虎呼與言心知

其非口諾。唯居高志下。眞何益。氣節消縮。今無幾。文章小技。安足程。先生別駕舊齊名。如今衰老俱無用。付與時人分重輕。先惠

曰言文章不足論人如兩人前以文章齊名今一則不屈一則志下輕重懸殊若此故爲自貶之詞以託諷也

和子由送將官梁左藏仲通

蘇軾

雨足誰言春麥短。城堅不怕秋濤卷。日長惟有睡相宜。半脫紗巾落紈扇。芳草不鋤當戶長。珍禽獨下無人見。覺來身世都是夢。坐久枕痕猶著面。城西忽報故人來。急掃風軒炊麥飯。自註徐州

所出伏波論兵初矍鑠。中散談仙更清遠。南都從事亦學道。不惜腸空誇腦滿。問羊他日到金華。應許相將遊閬苑。自註黃初平之兄尋其弟

於金華山

中秋見月和子由

蘇軾

明月未出羣山高。瑞光萬丈生白毫。一盃未盡銀闕涌。亂雲脫
 壞如崩濤。誰爲天公洗眸子。應費明河千斛水。遂令冷看世間
 人。照我湛然心不起。西南大星如彈丸。角尾奕奕蒼龍蟠。今宵
 注眼看。不見更許螢火爭清寒。何人艤舟臨古汴。千燈夜作魚
 龍變。曲折無心逐浪花。低昂赴節隨歌板。自註是夜賈客舟中放水燈青熒
 滅沒轉前山。浪颭風迴豈復堅。明月易低人易散。歸來呼酒更
 重看。堂前月色愈清好。咽咽寒螿鳴露草。卷簾推戶寂無人。聽
 下咿啞惟楚老。自註近有一孫名楚老南都從事莫羞貧。對月題詩有幾
 人。明朝人事隨日出。恍然一夢瑤臺客。

軾以去歲春夏侍立邇英而秋冬之交子由相繼入侍次

韻絕句四首各述所懷

蘇軾

瞳瞳日脚曉猶清細細槐花暖欲零坐閱諸公半廊廟自註僕射呂公

門下韓公右丞劉公皆自講席大用時看黃色起天庭

上樽初破早朝寒茗盃仍霑講舌乾陞楯諸郎空雨立故應慚

悔不儒冠

兩鶴摧頽病不言年來相繼亦乘軒誤聞九奏聊飛舞可得徘徊

爲啄吞

微生偶脫風波地晚歲猶存鐵石心定似香山老居士世緣終

淺道根深自註樂天自江州司馬除忠州刺史旋以主客郎中知制誥遂拜中書舍人軾雖不敢自比然謫居黃州

起知文登召爲儀曹遂忝侍從出處老少大畧相似庶幾復享此翁晚節閒適之樂焉

和子由除夜元日省宿致齋三首

蘇軾

江湖流落豈關天禁省相望亦偶然等是新年未相見此身應

言二十六
坐不歸田

白髮蒼顏五十三家人強遣試春衫朝回兩袖天香滿頭上銀
幡笑阿咸

當年踏月走東風坐看春闌鎖醉翁白髮門生幾人在卻將新

句調兒童

先惠曰三詩自然流
美令人味之不盡

十二月十七日夜坐達曉寄子由

蘇軾

燈燼不挑垂暗藥爐灰重撥尙餘薰清風欲發鴉翻樹缺月初
升犬吠雲閉眼此心新活計隨身孤影舊知聞雷州別駕應危
坐跨海清光與子分

和子由次月中梳頭韻

蘇軾

夏畦流膏白雨翻北牕幽人卧羲軒風輪曉長春筍節露珠夜

上秋禾根。

自註或謂予曰草木之長常在昧明間早作而伺之乃見其拔起數寸竹筍尤甚又夏秋之交稻方含秀

黃昏月出露珠起於其根纍纍然忽自騰上若有推之者或入於莖心或垂於葉端稻乃秀實驗之信然此二事與子由養生

之說契故以此爲寄從來白髮有公道始信丹經非妄言此身法報本無

二他年妙絕兼形魂

自註傳燈錄有形神俱妙者乃不復有解化之事

次前韻寄子由

蘇軾

我少卽多難。遭回一生中。百年不易滿。寸寸彎強弓。老矣復何

言。榮辱今兩空。泥洹尙一路。

自註古語云十方薄伽梵一路涅槃門

所向餘皆窮。

似聞崆峒西。仇池迎此翁。胡爲適南海。復駕垂天雄。下視九萬

里。浩浩皆積風。回望古合州。屬此琉璃鍾。離別何足道。我生豈

有終。渡海十年歸。方鏡照兩童。還鄉亦何有。暫假壺公龍。峨眉

向我笑。錦水爲君容。天人巧相勝。不獨數子工。指點昔遊處。蒿

萊生故宮

聞子由瘦

自註儋耳至難得肉食

蘇軾

五日一見花豬肉十日一遇黃雞粥土人頓頓食諸芋薦以薰

鼠燒蝙蝠舊聞蜜唧嘗嘔吐稍近蝦蟇緣習俗十年京國厭肥

羶日日烝花壓紅玉從來此腹負將軍

自註俗諺云大將軍食飽捫腹而歎曰我不負

汝左右曰將軍固不負此腹此腹負將軍未嘗出少智慮也

今者固宜安脫粟人言天下無

正味螭蛆未遽賢麋鹿海康別駕復何爲帽寬帶落驚童僕相

看會作兩臞仙還鄉定可騎黃鵠

先惠曰趣甚

次韻子由三首

蘇軾

東亭

仙山佛國本同歸世路元關兩背馳到處不妨閒卜築流年自

可數期頤遙知小檻臨塵市定有新松長棘茨誰道茅簷劣容
膝海天風雨看紛披

東樓

白髮蒼顏自照盆董生端合是前身獨棲高閣多詞客爲著新
書未絕麟小醉易醒風力軟安眠無夢雨聲新長歌自調真堪
笑底處人間是所欣

椰子冠

天教日飲欲全絲美酒生林不待儀自漉疏巾邀醉客更將空

殼付冠師

自註前漢高祖紀
註云薛南作冠師

規模簡古人爭看簪導輕安髮不

知更著短簷高屋帽東坡何事不違時

懷澗池寄子瞻兄

宋蘇轍

相攜話別鄭原上共道長途怕雪泥歸騎還尋大梁陌行人已
度古嶠西曾爲縣吏民知否舊宿僧房壁共題遙想獨游佳味
少無言騅馬但鳴嘶

自註云轍曾爲此縣簿未赴而中第

子瞻寄示岐陽十五碑

蘇轍

堂上岐陽碑吾兄所與我吾兄自善書所取無不可歐陽弱而
立商隱瘦且橢小篆妙詰曲波字美婀娜譚藩居顏前何類學
顏頗魏華自磨淬峻秀不包裹九成列賢俊磊落雜么麼英公
與褒鄂戈戟聞自荷何年學操筆終歲惟箭筈書成亦可愛藝
業嗟獨夥余雖謬學文書字每慵惰車前駕騏驥車後繫羸跛
逾年學舉足漸亦成駮駮古人有遺蹟筭短不及鎖願從兄發
之洗硯處兄左

中秋見月寄子瞻

蘇轍

西風吹暑天益高。明月耿耿分秋毫。彭城閉門青嶂合。坐聽百步鳴飛濤。使君攜客登燕子。月色著人如著水。筵前不設鼓與鐘。處處笛聲相應起。浮雲捲盡流金丸。戲馬臺西山鬱蟠。杯中綠酒一時盡。衣上白露三更寒。扁舟明月浮古汴。回首逡巡陵谷變。河吞巨野入長淮。城沒黃流只三板。明年築城城似山。伐木爲隄隄更堅。黃樓未成河已退。空畱遺跡令人看。城頭看月應更好。好河流深水。今生草子孫。免被魚鼈食。歌舞聊寬使君老。南都從事老更貧。羞見青天月照人。飛鶴投籠不能出。曾是彭城座中客。

奉使契丹寄子瞻

蘇轍

誰將家集過幽都。每被行人問大蘇。莫把文章動蠻貊。恐妨談笑臥江湖。

和十二兄五首

宋晁冲之

淵明詩百篇。無一不說酒。四顧宇宙間。獨與此物厚。子雲苦家貧。日給或亡有。艱難識奇字。草玄至白首。時時載酒來。尚乃好事友。吾兄斯人徒。性亦嗜醇酎。寧知俗士嫌。益覺兒女醜。孰云醉無度。婉婉一作婉婉春月柳。區區布肉論。遲速同一朽。但看古聖賢。得如飲者不。

伯也今代豪。嗜詩如嗜酒。賦多轉遒勁。語老愈深厚。塵言刪不存。妙句元自有。白華忽補亡。關雎不爲首。壘簾起兄弟。珠玉到朋友。吟詠九日菊。沈酣八月酎。搜剔發清新。聯翩雜奇醜。詳味